

## Vom Quadranten.

ziehe den fadē auff die leyter signorum/so sihestu bald auff was zeichen  
oder Monat die perle rühr/merck dann ob es im abnehmen oder zu  
nehmen der tag sey: Nimbt er ab/so such in der seiten der leytern nach  
dem a. b. zu/nimpt er zu/such in der andern seiten zu a. c.

## Zu wissen auff was Polus höhe der Quadrant gemacht sey.

Cap. xiiii.

**D**A die linea Arietis vñ linea 12. sich vberlein schneiden/ziehe den  
faden hin/such vnden im limbo wie viel grad der fad rühre/zu  
disem grad lege so viel zu daß es 90. werden. Was du zulegest  
an der zahl/also hoch ist der Polus am selben orth erhöht. Dann je  
eins auß dem andern vnderm Polo Aquinoctial erlernt wird.

## Wie man ein täfelin der erhöhung der Sonnen in allen zeichen/zu allen stunden ma- chen sol. Cap. xv.

**D**Is ist gar lieblich vñ auch nützlich zuthun vmb des Cylinders/  
vmb der Annulos vñ dergleichen viel mehr Instrument wil-  
len/zumachen/dieweil die nicht on die tafeln gemacht können  
werden. Wie du das täfelin davor vnd oben auff der ersten seiten gese-  
hen hast/also bereyt dir ein Figur/die man die blinde tafeln heisset.

Darnach heb an im Cancro von d 1. 2. 3. 2<sup>e</sup>. jede stund in sonder-  
heit/Waß du die Perlen nach vorgehebter lehr angestellet hast/schlag  
an ihrer linien/als waß du die stund sihest/merck was vnden im limbo  
zu einer jeden stund vor zalen vnd gradus kommen/die schreib in die  
blinde tafeln/jedes vnder sein stund/zuhand gewinnest du die tafel gar  
wolberent.

Von